



SIPA uhapsila tri osobe u ZDK-u

Organizovani kriminal, krivotvorenje isprava, neovlaštena proizvodnja i stavljanje u promet opojnih droga razlozi su hapšenja

Tri osobe jučer su uhapšene u akciji Viza, koju su na području Zeničko-dobojskog kantona proveli pripadnici Agencije za istrage i zaštitu BiH (SIPA), saopćeno je iz ove policijske agencije.

Operativna akcija se izvodi po naredbama Kantonalnog suda u Zenici i Kantonalnog tužilaštva Zeničko-dobojskog kantona. Jučer su izvršeni pretresi stambenih objekata na području Zeničko-dobojskog kantona, na ukupno četiri lokacije i slobode su lišena tri lica zbog postojanja osnova sumnje da su u ovom predmetu počinila krivično djelo iz člana 342. stav (2) KZ Federacije Bosne i Hercegovine Organizovani kriminal u



vezi sa krivičnim djelima Krivotvorenje isprave iz člana 373. stav (2) i Neovlaštena proizvodnja i stavljanje u promet opojnih droga iz člana 238. stav (1) istog zakona.

Pomoć prilikom realizacije navedenih aktivnosti SIPA pružili su MUP Zeničko-dobojskog kantona i Obavještajno-sigurnosna agencija BiH (OSA). Više informacija o rezultatima operativne akcije Viza biće poznato nakon realizacije navedenih aktivnosti.